

情境式演說

基礎篇 04

請共下面這四個圖，照順序組成完整的描述。

(會當盡量發揮，毋過四個圖攞愛講著。)



參考範例佇後一頁

● 圖 1.

今仔日阿母招我去薙菜市仔，因為我毋捌去過菜市仔，所以足期待的。菜市仔內底有真濟擔仔位，有賣衫仔褲、果子、青菜，閣有賣海產的，每一擔的頭家攏足熱情，予人感覺真親切。

● 圖 2.

因為我想欲食紅燒肉，阿母就先恁我去賣豬肉的遐買一塊三層。賣豬肉的擔仔位啥物部位攏有咧賣，我看甲目睷起花，阿母煞一觸久仔就共肉揀好矣，我問阿母是按怎揀的，阿母講：「三層若欲好食，精肉恰肥肉的比例愛拄拄好，按呢肉煮好食起來袂油袂澀，才會好食。」我聽甲耳仔覆覆，直直頷頭。

● 圖 3.

繼落，阮閣去買魚仔，海產擔的魚仔看起來攏足鮮的，價數閣俗，我恰阿母揀幾若尾，共一禮拜的份攏買起來，頭家講：「恁買物件真 àt-sá-lih 喔，若好食閣來交關呢。」阮嘛笑笑仔共應好。

● 圖 4.

最後，阿母講：「食魚食肉也著菜恰，咱來去買寡菜。」阿母恁我去共一个阿婆交關，阿婆講個的菜攏家己種的，有機閣無濺農藥，我共阿婆講：「按呢真讚呢，阮會當食了安心閣健康。」阿婆聽了真歡喜，結數的時，閣加送阮一把蔥仔呢。菜市仔毋但趣味閣有人情味，後擺我欲閣和阿母做伙來。

評判提問

1. 你敢捌薙過傳統的菜市仔？遐有咧賣啥物？請你講看覓。
2. 你較恰意薙菜市仔抑是超市？是按怎？請你講看覓。